

戒慎品第五 十有六章

誠慎品者。授與善道禁制邪非。後無所悔也。

人而常清 奉律至終 淨修善行

如是戒成 慧人護戒 福致三寶

名聞得利 後上天樂 常見法處

護戒為明 得成真見 輩中吉祥

持戒者安 令身無惱 夜臥恬淡

寤則常歡 修戒布施 作福為福

從是適彼 常到安處 心不自恣

何善安止 戒善安止 何終為善

戒終老安 何為人寶 何盜不取

福盜不取 戒善安止 慧為人寶

食知自節 比丘立戒 守攝諸根

守意正定 悟意令應 以戒降心

明哲守戒 內學正觀 無忘正智

行道如應

自清除苦 繼除諸垢 罷慢勿生
終身求法 勿暫離聖 戒定慧解
是當善惟 都已離垢 無禍除有
着解則度 餘不復生 越諸魔界
如日清明 狂惑自恣 已常外避
戒定慧行 求滿勿離 持戒清淨
心不自恣 正智已解 不覩邪部
是往吉處 為無上道 亦捨非道